

巫山縣志卷五

公署志

夫署者位之表也有位者居之發號出令文治武功於是乎在巫山公署歷年建置頗稱完備自洪水泛溢縣廳汎各署蕩然無存嗣是修建縣署仍復舊觀學宮營署亦隨時繕葺周全則所以宣德達情者在此所以經文緯武者在此豈惟宏規模而肅觀瞻已哉志公署知縣衙署一所在城內東南洪武中建崇禎七年爲賊焚燬知縣沈向重建

巫山縣志

卷五

公署

國朝康熙年間知縣吳思熙向登元莊必榮先後補修乾隆年間知縣桂綦朱斐然段玉裁修仁重加修葺規模始備嘉慶十四年知縣王圻又詳請捐修三堂同治九年大水淹塌十年知縣武震重建

儒學署在治西北元至正中建明洪武六年重建明末甲申年遇流寇焚毀

國朝教職原缺未設雍正元年奉文以縣令難兼學務將達州訓導一員分撥巫山初皆借寓文昌祠嘉慶十六年訓導曾朝柱因祠旁公廳補葺爲署道光三年訓導陳

益襄添修齋舍二楹同治七年訓導師維基補修光緒十四年訓導謝鴻賓重加修葺

典史署明典史別鴻嘉捐修在縣署大門內東監獄一所同治九年大水淹塌

常平倉十三所監倉四十一間雍正十年前縣趙願敏請項建修乾隆四十五年前縣段玉裁捐廉補修嘉慶七年前署縣徐士林捐廉補修歲久傾斜道光四年知縣楊佩芝捐廉補修同治九年大水淹沒漂流無存社倉三間乾隆三十二年南北兩岸社首建修以後逐

巫山縣志

卷五

公署

二

年粘補仍歸各社首經理同治九年大水淹沒漂流無存

養濟院二所一在縣城西收養孤貧男丁一在縣城東收養孤貧女口道光五年邑令楊佩芝捐廉建修并勸諭好義紳商捐輸錢四百千文存於殷實舖戶掌放生息以作帮補口糧之用年久傾圮口糧亦廢弛無著都司署在縣署西即前遊擊署

專城汛防領哨千總署在縣署東北同治九年大水淹塌

分防外委無專署

演武廳在城東門外

火藥軍器局在城內東北

營房堆卞四門俱設專司盤查

新設大昌營

守備署在大昌城內道光十九年裁撤

專城汛防領哨千總署在大昌城內卽前守備署

分防把總署在八石坪

外委署二所一在觀音巖一在黃草坪

巫山縣志

卷五

公署

三

川文

軍裝局在城內

火藥局在城內

演武廳在城外

營房堆卞在四城門

倉廩一所